

劉夢得文集

開化圖書館

Wakana Library

開化圖書館

Wakuhwa Library

開化圖書館

kaichua library

開化圖書館

Kaichua library

劉夢得文集

四部叢刊集部

上海涵芬樓景印  
董氏景宋本原書  
版高營造尺六寸  
一分寬四寸四分

劉夢得文集目錄

第一卷

古詩

澤宮

寄李六侍御

善卷壇下作

荅崔元受

贈尹果毅

遊桃源

寫羅浮事

登司馬錯故城

謁枉山會禪師

武陵觀火

途中早發

望衡山

賦登天壇

秋江早發

歸城南別墅

和裴尹祈雨

命箏歌送酒

第二卷

古詩

效阮公體

偶作

古調

寓興

昏鏡詞

養鷲詞

武夫詞

賈客詞

調瑟詞

弔張曲江

庭梅詠

詠古

據結一廬本補

詠史

苦雨行

萋兮吟

經檀道濟故壘

題歌器圖

聚蚊謠

百舌吟

飛鳶操

秋螢引

華山謠

磨鏡篇

有獺吟

第三卷

律詩

春日退朝

經九公主舊院作

蜀先主廟

觀八陣圖

夜翫月

許給事見示詩

和崔舍人翫月

和李相公早秋

凱旋成詠

武陵書懷

經伏波神祠

聞董評事疾

贈高大夫

宿誠禪師山房

晚泊牛渚

罷郡歸洛陽間居

城東間遊

歸洛陽寄友人

雪後眺望

途中早發

初至長安

詔賜觀秋稼

早秋集賢院

金陵懷古

池上亭獨吟

蒙李相公書問

和二相公述懷

賀門下相公加冊命

謝一二禪客病中見問

第四卷

律詩

西塞山懷古

陽山廟觀賽神

漢壽城春望

後梁二帝碑

荆門道懷古

和竇負外

早春對雪

早秋贈荅

荅徐負外

贈端州紫石硯

觀董評事詩

松滋渡望峽中

題段侍御枕上

贈王學士

闕下口号

監祠夕月壇書事

戲贈崔千牛

詔徵逐客

和嚴司空

見馮叔達

故洛城古牆

戲贈看花諸公

再遊玄都觀

望夫山

金陵五題

謝寺雙檜

韓信廟

安國觀聞笙

洛中寺北樓見賀監草書

韓賓擢第歸覲 寄楊八壽州

重寄楊八 和宣上人

贈東岳張鍊師 和崔少監

寄楊虢州 題竇負外新居

舉韓湖州目代 華州陪錢大夫

覩玄宗詩 懷上京故人

和尉遲郎中 訓福建陳判官

始聞秋風 和蘇十郎中

訓淮南廖參謀 題王郎中新居

訓朗州崔負外 賀溫尚書

水亭避暑

述舊

訓吳端才

第五卷

雜體詩

翠微寺有感

觀莫徭獵西山

觀舞柘枝

君山懷古

秋江晚泊

臨江寓望

秋日送客

登武陵城

謝寄三癖詩

寄上都同舍

寄京師親友

請告東歸

題湖城驛池亭

平蔡州

平齊行

城西行

說笛歌

試茶歌

偃松

荅東陽于令

贈致仕滕庶子

詠红柿子

庭竹

臺城懷古

題壽安甘棠館

與歌者米嘉榮

聽穆氏唱歌

渾侍中牡丹

看牡丹

與歌者何戡

與歌童田順郎

題破屏風

賞牡丹

寄陝州姚中丞

酬崔郎中

第六卷

送別詩

送張侍郎

送楊侍御

送蕭郎中

送李尚書

送渾大夫

送源中丞

送陸侍御

送太常蕭博士

送王司馬

送楊處厚

逢韓七中丞

送周使君

留別張侍御

送家兄隱居

送王師魯

別友人後得書

送李僕射

重送李相公

送張茗

送能判官

送韋秀才道冲赴制舉

送李策秀才

送張盥赴舉

送裴處士應舉

送錢侍御

辭李相公

送令狐相公

送趙中丞

送裴司徒令公

送李戶部侍郎

送李郎中

送杜錄事

夜宴盧常侍宅

送崔司業使君

送皇甫少尹

送蔡京

送唐舍人

送盧處士

送李秀才赴舉

送令狐博士

送李負外

送陳郎中

送李中丞

送李庚先輩

送廖參謀

送從弟郎中

第七卷

送僧詩

別君素上人

送深法師

荅宣廣上人

送僧仲剝

送僧元暘

送如智法師

贈讚頭陀

送慧則法師

過鴻舉法師

重送鴻舉

送僧方及

贈日本僧

贈眼醫僧

別浩初師

觀碁歌送僮師

贈別約師

送鴻舉師

送宵韻上人

送義舟師

送景玄師

送元曉上人

送惟良上人

送元簡上人

送宗密上人

第八卷

樂府

團扇歌

荊州歌

紀南歌

宜城歌

順陽歌

馬嵬行

視刀環歌

三閣詞

更衣曲

淮陰行

競渡曲

堤上行

採菱行

秋風引

莫徭歌

蠻子歌

洞庭秋月行

踏歌詞

華清詞

步虛詞

桃源行

魏宮詞

阿嬌怨

九華山歌

送春曲

初夏曲

柳花詞

送春詞

秋詞

第九卷

樂府

秦娘歌

秋扇詞

搗衣曲

七夕

龍陽縣歌

度桂嶺歌

插田歌

畬田行

蒲萄歌

鷓鴣吟

牆陰歌

觀雲篇

踏潮歌

百花行

春有情篇

路傍曲

白鷺兒

壯士行

邊風行

竹枝詞

楊柳枝詞

浪濤沙詞

瀟湘神詞

拋毬樂詞

又楊柳枝詞

又竹枝詞

紇那曲

第十卷

哀挽

德宗挽歌

劄宗挽歌

文宗挽歌

于司空挽歌

傷柳儀曹

謫居悼往

哭呂衡州

遙傷段右丞

傷桃源薛道士

王思道碑堂

遙傷丘中丞

傷獨孤舍人

觀華州舅氏詩

袁公挽歌

代靜安佳人怨

傷愚溪

見元九侍御詩

傷秦姝行

悼妓詩

和憶故姬

傷循州渾尚書

哭龐京兆

再傷龐尹

哭王僕射

傷韋賓客續

再經故元九相公宅

第十一卷

賦

問大鈞

砥石

楚望

傷往

何卜

謫九年

望

山陽城

秋聲

第十二卷

論

辯迹

明贄

華佗

天論上

天論中

天論下

第十三卷

易論

辯易

第十四卷

書

上杜司徒

獻權舍人

代荅于襄州

荅元使君

荅竇中丞

荅柳子厚

與柳子厚

荅薛郎中論方書

與刑部韓侍郎

論書儀

第十五卷

表

並代淮南杜相公佑作

代讓同平章事

代謝平章事

代謝手詔

代謝貸錢物

代謝赴行營

代謝加朱鄭官

代謝赦吳少誠

代謝除虔王

代慰公主薨

代慰王太尉薨

第十六卷

表

並代淮南杜相公佑作

代謝冬衣

代謝濠泗割屬淮南

代謝墨詔

代謝曆日面脂口脂

代請朝覲

代論廢楚州營田

代謝春衣

代謝男師損等官

代謝賜戟

代謝端午日賜物

第十七卷

表

代讓鹽鐵等使

代謝追贈

代讓立去思碑

代賀遷獻懿二祖

代賀雨止

代賀祈晴獲應

代謝許折糴

代賀元日祥雪

代賀春雪

代賀雨

代謝紫雪面脂

代謝鍾馗等

又代謝鍾馗等

代謝新茶

代謝春衣

代謝新橘

代謝柑子

代謝冬衣

第十八卷

表

代實中丞謝上

謝中使送至郡

賀收蔡州

賀赦

賀策皇太子

尉國哀

賀龍飛

賀冊太皇太后

賀冊皇太后

和州謝上

賀改元赦

夔州論利害

又夔州論利害

夔州謝上

賀雪鎮州

賀平淄青

第十九卷

表 牋附

代賀冊魯王

代讓官

蘇州謝上

蘇州謝賑貸

賀冊皇太子

賀皇太子受冊牋

賀赦上皇太子牋

第二十卷

表

謝加章服

賀皇州疾愈

汝州謝上

同州謝上

賀梟斬鄭注

賀德音

賀赦

謝恩賜粟麥

慰淄王薨

謝放先貸斛斛

謝分司東都

第二十一卷

啓

上杜司徒

上淮南李相公

上門下武相公

上中書李相公

謝門下武相公

謝中書張相公

賀門下裴相公

上門下裴相公

賀門下李相公

上僕射李相公

謝裴相公

謝竇相公

第二十二卷

狀

代論請廣利方

代韋尹進衣

代李尹進衣

代韋尹進野豬

代謝賜酒食

代謝就宅賜食

代謝賜食

代進東封圖

舉崔羣自代

舉柳公綽自代

舉姜倫自代

蘇州舉自代

蘇州謝宰相

加章服謝宰相

汝州謝宰相

汝州舉自代

汝州進鷹

同州舉自代

上宰相賀德音 上宰相賀改元赦書

薦處士嚴斌 薦處士王龜

第二十三卷

集紀

唐故李相國集 唐故韋公集

唐故令狐公集 唐故盧公集

唐故呂君集 唐故柳君集

董氏武陵集 澈上人文集

第二十四卷

雜著

鑒藥

評眩

嘆牛

儻丹

原力

說驥

述病

第二十五卷

雜說

弔馬文

口兵戒

猶子蔚適越戒

觀博

觀市

論書

劉氏集略說

名子說

丞相府論學事  
魏生兵要述

救沈志

第二十六卷

記

天平軍節度廳壁

汴州刺史廳壁  
鄭門新亭

國學五經壁  
鄭州刺史廳壁

管城新驛  
和州刺史廳壁

山南節度廳壁  
山南西道新修驛路

第二十七卷

記

夔州刺史廳壁

連州刺史廳壁

機汲

洗心亭

復荆門縣

武陵北亭

第二十八卷

碑

王氏先廟碑

令狐氏先廟碑

劉君遺愛碑

奚公神道碑

第二十九卷

碑

薛公神道碑

許州文宣王新廟碑

崔公神道碑

王公神道碑

史公神道碑

第三十卷

碑

釋門銘記讚附

曹溪第六祖碑

佛衣銘

唐興寺儼公碑

第一祖新塔記

袁州廣禪師碑

夔州移鐵像記

華藏世界圖讚

成都新修福成寺記

劉夢得文集卷第一

古詩

澤宮

登司馬錯故城

寄李六侍御

謁枉山會禪師

善卷壇下作

武陵觀火

荅崔元受

途中早發

贈尹果毅

望衡山

遊桃源

賦登天壇

寫羅浮事

秋江早發

歸城南別墅

和裴尹祈雨

命箏歌送酒

澤宮并序

澤宮送士歲貢也晉昌唐如誨以信誼爲良弓  
文學爲菡矢規爵祿猶衆禽密殼持滿遡風蜚  
繳者數矣有措杯之妙而無雙鷁之獲韞弓收  
視歸究其術繇是跡愈屈而名愈聞君子益多  
之彼不由其術一幸而中者雖懸貆在庭君子  
未嘗多也歲殫矣告子以西余爲賦澤宮一章  
庶見子之弓弗再張也已  
秩秩澤宮有的維鷁祁祁庶士于以干祿彼鷁

斯微若止若翔千里之差起于毫芒我矢既直  
我弓既良依于高墉罔我不臧高墉伊何維器  
與時視之以心誰謂鵠微

登司馬錯故城

秦昭王命錯征五溪  
蠻城在武陵沅江南

將軍將秦師西南奠遐服故壘清江上蒼煙晦  
喬木登臨值蕭辰同覽壯前躅塹平陳葉滿墉  
高秋蔓綠廢井抽寒菜毀臺生魯穀耕人得古  
器宿雨多遺鏃楚塞鬱重疊蠻溪紛詰曲留此  
數仞基幾人傷遠目

卧病聞常山旋師策勲宥過王澤大洽因

寄李六侍御

寂寂重寂寂病夫卧秋齋夜蟲思幽壁槁葉鳴  
空階南國異氣候火旻尚昏霾瘴煙跼飛羽沴  
氣傷百骸昨聞凱歌旋飲至酒如淮無戰陋丹  
水垂仁輕藁街清廟旣策勲圓丘俟燔柴車書  
一以混幽遠靡不懷逐客顛顛久故鄉風雨乖  
禽魚各有化予欲問齊諧

謁枉山會禪師

我本山東人平生多感槩弱冠遊咸京上書金  
馬外結交當世賢馳聲溢四塞勉修貴及早抽

捷不知退錙銖揚芬馨尋尺招瑕類淹留郢南  
鄙摧頽羽翰碎安能各往來且欲去沈痍吾師  
得真如自在人寰內哀我墮名網有如翺飛輩  
瞳瞳揭智炬照使出昏昧靜見玄關啓歆然初  
心會夙尚一何微今得信可大覺路明證入便  
門通懺悔悟理言自忘處屯道猶泰色身豈吾  
寶慧性非形礙思此靈山期未來何年載

善卷壇下作

在在山上

先生見堯心相與去九有斯民既已治我得安  
林藪道爲自然貴名是無窮壽瑤壇在此山識

者常迴首

武陵觀火詩

楚鄉祝融分災火常爲虐是時直突煙發自晨  
炊徒盲風扇其威白晝曛陽烏操綆不暇汲脩  
牆寧避踰怒如烈缺光迅與焚輪俱聯延掩四  
達赫奕成烘鑪凶疑雲濤翻颯若鬼神趨當前  
迎炊艸是物同膏腴金鳥入梵天赤龍遊玄都  
騰煙透牕戶飛焰生藥櫨火山摧半空星雨洒  
中衢瑤壇被黦漆寶樹攢珊瑚花縣與琴焦旗  
亭無酒濡市人委百貨邑令遺雙鳧餘勢下隈

隩長爍烘舳舻吹熒照水府炙浪愁天吳災罷  
雲日晚心驚視聽殊高灰辨廩庾黑土連闔閭  
衆燼合星羅遊氛鑠人膚厚地藏宿熱遙林呈  
驟枯火德資生人庸可一日無御之失其道敲  
石彌天隅晉庫走龍劍吳宮傷燕鷁五行有沴  
氣先哲垂訐謨宋鄭同日起時當賢大夫無苛  
自可樂弭患非所圖賢守恤人瘼臨煙駐驪駒  
弔傷色慘怛言失詞劬愉下令蠲里布指期輕  
市租開垣適未立苦蓋自相娛山木行翦伐江  
泥宜壅塗魯臣不必葺何用徵越巫

崔元受少府自貶所還遺山薑花荅以詩  
故人博羅尉遺我山薑花採從碧海上來自謫  
仙家雲濤潤孤根陰火照晨葩淨搖扶桑日豔  
對瀛洲霞世人愛芳辛奉擷志幽遐傳名入帝  
里飛駟辭天涯王濟本尚味石崇方鬪奢雕盤  
多不識綺席乃增華驛馬損筋骨貴人滋齒牙  
顧子藜藿士持此空歎嗟

途中早發

馬踏塵上霜月明岡頭路行人朝氣銳宿鳥相  
辭去流水隔遠村縵山多紅樹悠悠關塞內來

往無間步

和董中庶古散調辭贈尹果毅

昔聽東武吟壯年心已悲如何今瀟落聞君苦  
辛詞言有窮巷士弱齡頗尚竒讀得玄女符生  
當事邊時借問遊俠窟結客幽并兒往來長楸  
閒能帶雙鞬馳崩騰天寶末塵暗燕南陲烽火  
入咸陽詔徵神武師是時召軍募插羽揚金羈  
萬夫列轅門觀我中戟支誓當雪國讎親愛從  
此辭中霄倚長劍起視蚩尤旗介馬晨蕭蕭陣  
雲竟天涯陰風獵白草旗槩光參差勇氣貫中

腸視身忽如遺曾擒白馬將虜騎不敢追貴臣  
上戰功名姓隨意移終歲肌骨苦他人印纍纍  
謁者旣清宮諸侯各罷戲上將賜北第門戟不  
可窺皆血下霑襟天高問無期却尋故鄉路孤  
影空相隨行逢里中舊撲漱昔所嗤一言合侯  
王腰佩黃金龜問我何自苦可憐真數竒低徊  
顧徒御慘色懸雙眉翻然悟世途撫已昧所宜  
田園已蕪沒流浪江海湄鷲禽毛翮摧不見翔  
雲姿衰容蔽逸氣子子無人知寂寞草玄徒長  
吟下書幃爲君發哀韻若扣瑤林枝有客識其

真潺湲涕交頤勸爾一杯酒陶然足自怡

望衡山

東南倚蓋卑維嶽資柱石前當祝融居上拂朱  
鳥翮青冥結精氣磅礴宣地脉還聞膚寸陰能  
致彌天澤

遊桃源一百韻

沅江清悠悠連山鬱岑寂回流抱絕巘皎鏡含  
虛碧昏旦透明媚煙嵐紛委積香蔓垂綠潭曝

龍照孤磧

山下潭名綠羅磧名曝龍

淵名著前志子驥思遠蹠

子驥事見陶先生本記也

寂寂無何鄉密爾天地隔金行太元

歲漁者偶探蹟尋花得幽蹤窺洞穿暗隙依微  
聞鷄犬豁達值阡陌居人牙將迎笑語如平昔  
廣樂雖交奏海禽心不憚揮手一來歸故溪無  
處覓絲絲五百載市朝幾遷革有路在壺中無  
人知地脉皇家感至道聖祚自天錫金闕傳本  
枝玉函留寶曆禁山開秘宇復戶潔靈宅詔隸二  
十戶免  
徭以奉  
洒掃藥檢香芬盃醮壇煙幕幕我來塵外躅瑩  
若朝醒析崖轉對翠屏水窮留畫鷁三休俯喬  
木千級攀峭壁旭日聞撞鐘綵雲迎躡屐遂登  
最高頂縱目環楚澤平湖見草青遠岸連霞赤

幽尋如夢想，絲思屬空閒。夤緣且忘疲，耽翫近  
成癖。清猿伺曉發，瑤草凌寒坼。祥禽舞葱蘢，珠  
樹搖玳瑁。羽人顧我笑，勸我稅歸輶。霓衣何飄  
颻，童顏潔白皙。重巖是藩屏，馴鹿受羈勒。樓居  
邈清霄，蘿葛成翠帟。仙翁遺竹杖，王母留桃核。  
姹女飛丹沙，青童護金液。寶氣浮鼎耳，神光生  
劍脊。虛無天樂來，僊宰鬼兵役。丹丘肅朝禮，玉  
札工紉繹。枕中淮南方，牀下阜鄉舄。明燈坐遙  
夜，幽籟聽浙瀝。因話近世仙，聳然心神惕。乃言  
瞿氏子，骨狀非凡格。往事黃先生，羣兒多侮劇。

整言然不屑意元氣貯肝萑往往游不歸洞中觀  
博弈言高未易信猶復加訶責一旦前致辭自  
云仙期迫言師有道骨前事嘗被謫如今三山  
上名字在真籍悠然謝主人後歲當來覲言畢  
依庭樹如煙去無迹觀者皆失次驚追紛絡驛  
日暮山逕窮松風自蕭槭適逢脩蛇見瞋目光  
激射如嚴三清居不使恣搜索唯餘步網勢八  
趾在沙礫至今東北隅表以壇上石列仙徒有  
名世人非目擊如何庭廡際白日振飛翮洞天  
豈幽遠得道如咫尺一氣無死生三光自遷易

因思人閒世前路何湫窄瞥然此生中善祝擬  
滿百大方播羣類秀氣肖翕闢性靜本同和物  
牽成阻阨是非關方寸輦血昏精魄遂令多天  
傷猶喜見斑白喧喧車馬馳苒苒桑榆夕共安  
緹繡榮不悟泥塗適紛吾本孤賤世業在逢掖  
九流宗指歸百氏旁攜撫公卿偶慰薦鄉曲謬  
推擇居安白社貧志傲玄纁辟功名希自取簪  
組俟揚歷書府早懷鈇射宮曾發的起草香生  
帳坐曹烏集栢賜宴聆簫韶侍祠閱琮璧常聞  
履忠信可以行蠶貂自迷希古心妄恃干時畫

巧言忽成錦苦志徒食蘖平地生峯巖深心有  
矛戟層波一震盪弱植果淪溺北渚弔靈均長  
岑思亭伯禍來昧機兆事去空歎惜塵累與時  
深流年隨漏滴才能疑木鴈報施迷夷跼楚奏  
繫鍾儀商歌勞甯戚稟生非懸解對境方感激  
自從嬰網羅每事問龜策王正降雷雨環玦賜  
遷斥儻復夷平人誓將依羽客買山構精舍領  
徒開講席冀無身外憂自有間中益道牙期日  
就塵慮乃冰釋且欲遺姓名安能慕竹帛長生  
尚學致一漑豈虛擲芝朮資糒糧煙霞拂巾幘

黃石履看墮洪崖肩可拍聊復嗟蟬蛸何類哀  
虺蜴青囊旣深味瓊葩亦屢摘縱無西山姿猶  
免長戚戚

客有爲余話登天壇遇雨之狀因以賦之  
清晨登天壇半路逢陰晦疾行穿雨過却立視  
雲背白日照其上風雷走于內滉瀆雪海翻槎  
牙玉山碎蛟龍露鱗鬣神鬼含變態萬狀牙相  
生百音以繫會俯觀羣動靜始覺天宇大山頂  
自徵明人間已霽霈豁然重昏斂渙若春冰潰  
反照入松門瀑流飛縞帶遙光泛物色餘韻吟

天籟洞府撞仙鐘  
村墟起夕靄  
却見山下侶已  
如迷世代問我何處來  
我來雲雨外

有僧言羅浮事  
因爲詩以寫之

君言羅浮上容易  
見九垓漸高元氣壯  
洶湧來翼身夜宿最高峯  
瞻空浩無隣海黑天宇曠  
星辰來逼人是時當朏魄  
陰物恣騰振日光吐鯨  
背劍影開龍鱗倏若萬馬馳  
旌旗聳齋淪又如廣樂奏  
金石含悲辛疑其有巨靈  
怪物盡來賓陰陽迭用事  
乃俾夜作晨唧喔天鷄鳴  
扶桑色昕昕赤波千萬重  
踴出黃金輪下視生物息  
霏

如隙中塵醯鷄仰甕口亦謂雲漢津世人信耳  
目方寸度大鈞安知視聽外怪愕不可陳悠然  
想大方此乃杯水濱知小天地大安能識其真

秋江早發

輕陰迎曉日霞霽秋江明草樹含遠思襟懷有  
餘清凝睇萬象起卽吟孤憤平渚鴻未矯翼而  
我已遐征因思帝朝人方聽晨鷄鳴昏昏戀衾  
枕安見元氣英納爽耳目變翫竒筋骨輕滄洲  
有竒趣浩蕩吾將行

裴祭酒尚書見示春歸城南青松塢別墅

寄王左丞高侍郎之什命同作

早宦閱人事晚懷生道機時從學省出獨望郊  
園歸野徇渡春水山花映巖扉石頭解金章林  
下步綠薇青松鬱成塢脩竹盈尺圍吟風起天  
籟蔽日無炎威危逕盤羊腸連蕙從翬飛幽谷  
響樵斧澄潭環釣磯因高見帝城冠蓋揚光輝  
白雲難持寄清韻投所希二公如長離比翼翔  
太微含情謝林壑酬贈駢珠璣顧予父郎潛愁  
寂對芳菲一聞丘中趣再撫黃金徽

和河南裴尹侍郎宿齋太平寺詣九龍祠

祈雨二十韻

有事九龍廟潔齋梵王祠玉簫何時絕碧樹空  
涼颼吏散埃壒息月高庭宇宜重城肅穆閉澗  
水潺湲時人稀夜復間慮靜境亦隨紈懷斷鼇  
足疑想乘鸞姿朱明盛農節膏澤方愆期瞻言  
五靈瑞能救百穀萎啣喔晨鷄鳴闌干斗柄垂  
修容謁神象注意陳正辭驚飈起泓泉若召雷  
雨師黑煙聳鱗甲洒液如焚絲豐隆震天衢烈  
缺揮火旗炎空忽淒緊高雷懸綆縻生物已霽  
霈濕雲稍離披丹霞啓南陸白水含東菑熙熙

飛走適藹藹草樹滋浮光動宮觀遠思盈川坻  
吳公敏於政謝守工爲詩商山有病客言賀舒  
厖眉

冬夜宴河中李相公中堂命箏歌送酒

朗朗鷓鴣絃華堂夜多思簾外雪已深坐中人  
半醉翠娥發清響曲盡有餘意酌我莫憂狂老  
來無逸氣

劉夢得文集卷第一

劉夢得文集卷第二

古詩

效阮公體

偶作

古調

寓興

昏鏡詞

養鷲詞

武夫詞

賈客詞

調瑟詞

弔張曲江

庭梅詠

詠古

詠史

苦雨行

萋兮吟

經檀道濟故壘

題歌器圖

聚蚊謠

百舌吟

飛鳶操

秋螢引

華山謠

磨鏡篇

有獺吟

效阮公體

三首

少年負志氣，信道不從時。  
只言繩自直，安知室可欺。  
百勝難慮敵，三折乃良醫。  
人生不失意，焉能慕己知。

朔風悲老驥，秋霜動鷲禽。  
出門有遠道，平野多層陰。  
滅沒馳絕塞，振盪拂華林。  
不因感衰節，安

能激壯心

昔賢多使氣憂國不謀身目覽千載事心交上  
古人侯門有仁義靈臺多苦辛不學腰如磬徒  
使甑生塵

偶作二首

終朝對罇酒嗜興非嗜甘終日偶衆人縱言不  
縱談世情間盡見藥性病多諳寄謝嵇中散予  
無甚不堪

萬卷堆牀書學者識其真萬里長江水征夫度  
要津養生非但藥悟佛不因人燕石何須辨逢

時即至珍

古調 二首

軒后初冠冕前旒爲蔽明安知從復道然後見  
人情

簿領乃俗士清談信古風吾觀蘇令綽朱墨一  
何同

寓興 二首

常談即至理安事非常情寄語何平叔無爲輕  
老生

世途多禮數鵬鷄各逍遙何事陶彭澤拋官爲

折腰

昏鏡詞

并引

鏡之工列十鏡于賈奩發而視其一皎如其九  
霧如或曰良苦之不侔甚矣工解頤謝曰非不  
能盡良也蓋賈之意唯售是念今來市者必歷  
鑒周睠求與己宜彼皎者不能隱芒杪之瑕非  
美容不合是用什一其數也予感之作昏鏡詞  
昏鏡非美金漠然喪其晶陋容多自欺謂若他  
鏡明瑕疵既不見妍態隨意生一日四五照自  
言美傾城飾帶以文繡裝匣以瓊瑛秦宮豈不

重非適乃為輕

養鷲詞

并引

途逢少年志在逐禽獸方呼鷹隼以襲飛走因  
縱觀之卒無所獲行人有常從事於斯者曰夫  
鷲禽飢則為用今哺之過篤故然也予感之作  
養鷲詞

養鷲非玩形所資擊鮮力少年昧其理日日哺  
不息探雛網黃口旦暮有餘食寧知下韝時翅  
重飛不得蹇蹇止林表狡兔自南北飲啄既已  
盈安能勞羽翼

武夫詞并引

有武夫過詫余以從軍之樂翌日質于通武之  
善經者則曰果有樂也夫威恣而賞勞則樂用  
威雌而賞馘則樂橫去聲顧其樂安出耳予惕然  
作是詞

武夫何泚泚洗衣紫襲絳裳借問胡爲爾列校在  
鷹揚依倚將軍勢交結少年場探丸害公吏袖  
刃妬名倡家產既不事顧盼自生光酣歌高樓  
上袒裼大道傍昔爲編戶人秉耒甘哺糠今來  
從軍樂躍馬飮峙梁猶思風塵起無種取侯王

賈客詞并引

五方之賈以財相雄而鹽賈尤熾或曰賈雄則  
農傷予感之作是詞

賈客無定遊所遊唯利并眩俗雜良苦乘時取  
重輕心計析秋毫捶鈎侷懸衡錐刀旣無弃轉  
化日已盈邀福禱波神施財遊化城妻約雕金  
釧女垂貫珠纓高貲比封君竒貨通倖卿趨時  
勢鳥思藏鏹盤龍形大艸浮通川高樓次旗亭  
行止皆有樂關梁自無征農夫何爲者辛苦事

寒耕

調瑟詞 并引

里有富豪翁厚自奉養而嚴督臧獲力屈形削  
然猶役之無何一旦不堪命亡者過半追亡者  
亦不來復翁悴沮而追昨非之莫及也予感之  
作調瑟詞

調瑟在張絃絃平音自足朱絲二十五闕一不  
成曲美人愛高張瑤軫再三促上絃雖獨響下  
應不相屬日暮聲未和寂寥一枯木却顧膝上  
絃流淚難相續

弔張曲江 并引

世稱張曲江為相建言放臣不宜與善地多徒  
五谿不毛之鄉及今讀其文張自內職牧始安  
有瘴癘之歎自退相守荊州一作南有拘囚之思託  
諷禽鳥寄詞草樹鬱然與騷人同風嗟夫身世  
出於遐陬一失意而不能堪矧華人士族而必  
致醜地然後快意哉議者以曲江為良臣識胡  
鵠有反相羞與凡器同列密啓廷爭雖古哲人  
不及而燕翼無似終為餒魂豈忤心失恕陰謫  
最大雖二美莫贖邪不然何袁公一言明楚獄  
而鍾祉四葉以是相較神可誣乎予讀其文因

爲詩以弔

聖言貴忠恕至道重觀身法在何所恨色傷斯  
爲仁良時難久恃陰謫豈無因寂寞韶陽廟魂  
歸不見人

庭梅詠寄友人

早花常犯寒繁實常苦酸何事上春日坐令芳  
意闌天桃定相笑遊妓肯迴看君問調金鼎方  
知正味難

詠古有所寄 二首

車音想麟麟不見纂下塵可憐平陽第歌舞嬌

青春金屋容色在文園詞賦新一朝復得幸應  
知失意人

寂寂照鏡臺遺基古南陽真人昔來遊翠鳳相  
隨翔目誠在桑野志遂貯椒房豈無三千女初  
心不可忘

詠史二首

驃騎非無勢少卿終不去世道劇頽波我心如  
砥柱

賈生明王道衛綰工車戲同遇漢文時何人居  
貴位

苦雨行

悠悠飛走情同樂在陽和歲中三百日常苦風  
雨多天人信遐遠時節易蹉跎洞房有明燭無  
乃酣且歌

萋兮吟

天涯浮雲生爭蔽日月光窮巷秋風起先摧蘭  
蕙芳萬貨列旗亭恣心注明璫名高毀所集言  
巧智難防勿謂行大道斯須成太行莫吟萋兮  
什徒使君子傷

經檀道濟故壘

萬里長城壞  
荒營野草秋  
秣陵多士女  
猶唱白

符鳩

史云當時人歌曰可憐白符鳩枉殺檀江州

題歌器圖

羸相功成思  
稅駕晉臣名  
遂歎危機無  
因上蔡  
牽黃犬願作  
丹徒一布衣

聚蚊謠

沈沈夏夜間  
堂開飛蚊伺  
暗聲如雷嘈  
然歛起  
初駭聽  
粲粲若自南山來  
喧騰鼓舞喜  
昏黑昧  
者不分聰者  
惑露華滴瀝  
月上天利嘴  
迎人看  
不得我軀七尺  
爾如芒我孤  
爾衆能我傷  
天生

有時不可遏爲爾設幄潛藜牀清商一來秋日  
曉羞爾微形飼丹鳥

百舌吟

曉星寥落春雲低初聞百舌閒關啼花枝滿空  
迷處所搖動繁英墜紅雨笙簧百轉音韻多黃  
鸝吞聲鶯無語東方朝日遲遲昇迎風弄景如  
自矜數聲不盡又飛去何許相逢綠楊路綿蠻  
宛轉似娛人一心百舌何紛紜醜顏俠少停歌  
聽墮珥妖姬和睡聞可憐光景何時盡誰能低  
迴避鷹隼廷尉張羅自不關潘郎挾彈無情損

天生羽族爾何微  
舌端萬變乘春輝  
南方朱鳥一朝見  
索漠無言蒿下飛

飛鳶操

鳶飛杳杳青雲裏  
鳶鳴蕭蕭風四起  
旗尾飄揚勢漸高  
箭頭砉騞聲相似  
長空悠悠霽日懸  
六翮不動飛凝煙  
遊鷲翔鴈出其下  
慶雲清景相回旋  
忽聞飢鳥一噪聚  
瞥下雲中爭腐鼠  
騰音礪吻相喧呼  
仰天大嚇疑鵝鷓  
畏人避犬投高處  
俛啄無聲猶屢顧  
青鳥自愛玉山禾  
仙禽徒貴華亭露  
撲檄危巢向暮時  
毳毳飽腹蹲枯枝

遊童挾彈麾肘臆碎羽分飛人不悲天生衆禽  
各有類威鳳文章在仁義鷹隼儀形螻蟻心雖  
能啖天何足貴

秋螢引

漢陵秦苑遙蒼蒼陳根腐葉秋螢光夜空寂寒  
金氣淨千門九陌飛悠揚紛紛暉映平明滅金  
鑪星噴燈花發露華洗濯清風吹攢茅不定招  
搖垂高麗罌魚過珠網斜歷璇題舞羅幌曝衣  
樓上拂香裙承露臺前轉仙掌槐市諸生夜對  
書北牕分明辨魯魚行子東山起征思中郎騎

省悲秋氣銅雀人歸自入簾長門悵望來照淚  
誰言向晦常自明童兒走步嬌女爭天生有光  
非自銜遠近低昂暗中見撮蚊袂鳥亦夜飛翅  
如車輪人不見

華山詩

洪鑪作高山元氣鼓其橐俄然神功就峻拔在  
寥廓靈蹤露指爪殺氣見稜角凡木不敢生神  
仙聿來託天資帝王宅以我爲關鑰能令萬國  
人一見換神骨高山固無限如此方爲嶽丈夫  
無特達雖貴猶碌碌

磨鏡篇

流塵翳明鏡歲久看如漆門前負局生爲我一  
磨拂萍開綠池滿暈盡金波溢白日照空心圓  
光走幽室山神祆氣沮野魅真形出却思未磨  
時瓦礫來唐突

有懶吟

有懶得嘉魚自謂天見憐先祭不敢食捧鮮望  
清立人立寒沙上心專脰肩肩漁翁以爲祆舉  
塊投其咽呼兒貫魚歸與懶同烹煎關關黃金  
鷄大翅搖江煙下見盈尋魚投身擘洪漣攫拏

隱嶙去哺鶴林岳巔鷓烏欲伺隙遙噪莫敢前  
長居青雲路彈射無由緣何地無江湖何水無  
鮪鱸天意不宰割菲祭徒虔虔空餘知禮重載  
在淹中篇

劉夢得文集卷第二

劉夢得文集卷第三

律詩

春日退朝

經九公主舊院作

蜀先主廟

觀八陣圖

夜翫月

許給事見示詩

和崔舍人翫月

和李相公早秋

凱旋成詠

武陵書懷

經伏波神祠

聞董評事疾

贈高大夫

宿誠禪師山房

晚泊牛渚

罷郡歸洛陽間居

城東間遊

歸洛陽寄友人

雪後眺望

途中早發

初至長安

詔賜觀秋稼

早秋集賢院

金陵懷古

池上亭獨吟

蒙李相公書問

和二相公述懷

賀門下相公加冊命

謝一二禪客病中見問

春日退朝

紫陌夜來雨南山朝下看  
戟枝迎日動閣影助  
松寒瑞氣卷綃縠遊光泛波瀾  
御溝新柳色處

處拂歸鞍

經東都安國觀九公主舊院作

仙院御溝東今來事不同門開青草日樓閉綠  
楊風將犬昇天路披霓赴月宮武皇曾駐蹕親  
問主人翁

蜀先主廟

漢末謠曰黃牛  
白腹五銖當復

天下英雄氣千秋尚凜然勢分三足鼎業復五  
銖錢得相能開國生兒不象賢淒涼蜀故妓來  
舞魏宮前

觀八陣圖

軒皇傳上略蜀相運神機水落龍蛇出沙平鵝  
鶴飛波濤無動勢鱗介避餘威會有知兵者臨  
流指是非

八月十五日夜翫月

天將今夜月一遍洗寰瀛暑退九霄淨秋澄萬  
景清星辰讓光彩風露發晶英能變人間世脩  
然是玉京

許給事見示哭工部劉尚書詩因命同作

從叔自渭北節度以疾歸  
朝比及拜尚書竟不中謝

漢室賢王後

從叔望  
在河間

孔門高第人濟時成國器樂

道任天真特達圭無玷堅貞竹有筠總戎寬得  
衆布義貴能貧護塞無南牧馳心拱北辰乞身  
來闕下賜告卧漳濱榮耀初題劔清羸已拖紳  
宮星徒列位隙日不迴輪自昔追飛侶今爲侍  
從臣素絃哀已絕青簡歎猶新未遂揮金樂空  
悲撤瑟晨淒涼竹林下無復見清塵

奉和中書崔舍人八月十五日夜翫月二

十韻

暮景中秋爽陰靈旣望圓騰精浮碧海分照接  
虞淵迥見孤輪出高從倚蓋旋二儀含皎澈萬

象共澄鮮整御當西陸舒光麗上玄從星變風  
雨順日助陶甄遠近同時望晶熒此夜偏運行  
調玉燭絜白應金天曲沼疑瑤鏡通衢若象筵  
逢人盡冰雪遇境即神仙引素吞銀漢凝清洗  
綠煙臯禽警露下鄰杵思風前水是還珠浦山  
成種玉田劔沈三尺影燈罷九枝然象外行無  
迹窠中影有遷稍當雲闕正未映斗城懸靜對  
揮宸翰間臨襞綵牋境同牛渚上宿在鳳池邊  
興掩尋安道詞勝命仲宣從今紙貴後不復詠

陳篇

奉和淮南李相公早秋即事寄成都武相

公

李中書自揚州見  
示詩本因命仰和

八柱共承天東西別隱然遠夷爭慕化真相故

臨邊竝進萐龍位仍齊龜鶴年

相公詩有齊  
年並進之句

同心

舟已濟造膝璧常聯對領專征寄遙持造物權

斗牛添氣色井絡靜氛煙獻可通三略分甘出

萬錢漢南趨節制趙北賜山川玉帳觀渝舞虹

旌獵楚田步嫌雙綬重夢入九城偏秋與離情

動詩從樂府傳聆音還竊抃不覺撫幺絃

元和癸巳歲仲秋詔發江陵偏師問罪蠻

徵後命宣慰釋兵歸降凱旋之辰率爾成  
詠寄荆南嚴司空

蠻水阻朝宗兵符下渚宮前籌得上策無戰已  
成功漢使星飛入夷心草偃同歡謠開竹棧拜  
舞擲桑弓就日知冰釋投人念鳥窮網羅三面  
解章奏九門通卉服聯操杖雕題盡鞠躬降幡  
秋練白驛騎晝塵紅火號休傳警機橋罷亘空  
登山不見虜振旆自生風江遠煙波靜軍回氣  
色雄佇看聞喜後金石賜元戎

武陵書懷五十韻

并序

按天官書武陵當翼軫之分其在春秋及戰國時皆楚地後爲秦惠王所并置黔中郡漢興更名曰武陵東徙于今治所常林義陵記云初項籍殺義帝于郴武陵人曰天下憐楚而興今吾王何罪乃見殺郡民縞素哭于招屈亭高祖聞而義之故亦曰義陵今郡城南東亭是其所也晉宋齊梁間皆以分王子弟事存于其書永貞元年余始以尚書員外郎出補連山守道貶爲是郡司馬至則以方志所載而質諸其人民顧山川風物皆騷人所賦乃具所聞見而成是詩

因自述其出處之所以然故用書懷為目云

西漢開支郡南朝號戚藩四封當列宿百雉俯

清沅高岸朝霞合驚湍激箭奔積陰春暗度將

雲齊霧先昏俗尚東皇祀謠傳義帝冤桃花迷隱

迹練葉慰忠魂戶筭資漁獵鄉豪恃子孫照山

畚火動踏月俚歌喧擁楫舟為市連薨竹覆軒

披沙金粟見拾羽翠翹翻茗拆滄溪秀蘋生枉

渚暄滄溪茶為邑人所重禽驚格磔起魚戲唼喁繁

按本草云紅日鷓鴣沈約臺榭故李衡墟落存隱侯臺木如洲

聲如鉤輞格磔是也並湘靈悲鼓曲泉客泣酬恩露變蒹葭浦星懸

在

橘袖村虎咆空野震鼉作滿川渾鄰里皆遷客  
兒童盡左言火天無冽井霜月見芳蓀清白家  
傳遺詩書志所敦列科叨甲乙從官出丘樊結  
友多心契馳聲尚氣吞士安曾重賦元禮許登  
門草檄嫖姚幕巡兵戍已屯築臺先自隗送客  
獨留髡遂結王畿綬來觀衢室樽鳶飛入鷹隼  
魚目麗璵璠曉燭羅馳道朝陽闕帝闈王正會  
夷夏月朔盛旗幡獨立當瑤闕傳呵步紫垣按  
章清犴獄視祭潔蘋蘩繫御曆昌期遠傳家寶炸  
蕃絲文光夏啓神教畏軒轅內禪因天性膺圖

授化元繼明懸日月出震統乾坤大孝三朝備

洪恩九族惇百川宗渤澥五岳輔崑崙何幸逢

休運微班識至尊校緡資筦推復土奉山園時以本官

判度支鹽鐵等案兼充崇陵使判官一失貴人意徒聞太學論直廬辭

錦帳遠守愧朱轡巢幕方猶鷲槍榆尚笑鯢遭

迴過荆郢流落感涼温旅望花無色愁心醉不

憐春江千里草暮雨一聲猿問卜安冥數看方

理病源帶賒衣改製塵澀劍成痕三秀悲中散

二毛傷虎賁來憂禦魅魑歸願牧鷄豚就日秦

京遠臨風楚奏煩南登無灞岸旦夕上高原

經伏波神祠

蒙蒙篁竹下有路上壺頭漢壘麈君廳鬪蠻溪霧  
雨愁懷人敬遺像閱世想東流自負霸王略安  
知恩澤侯鄉園辭石柱筋力盡炎洲一以功名  
累翻思馬少游

聞董評事疾因以詩贈

董生奉內典

繁露傳家學青蓮譯梵書火風乖四大文字廢  
三餘歌枕晝眠晚折巾秋鬢踈武皇思視草誰  
許茂林居

贈澧州高大夫司馬霞寓

前年收錦城馬踏血泥行千里追戎首三軍許  
勇名殘兵疑鶴唳空壘辨烏聲一誤雲中級南  
游湘水清

宿誠禪師山房題贈二首

宴坐白雲端清江直下看來人望金刹講席繞  
香壇虎嘯夜林動鼉鳴秋澗寒衆音徒起滅心  
在淨中觀

不出孤峯上人間四十秋視身如傳舍閱世甚  
東流法爲因緣立心從次第修中宵問真偈有  
住是吾憂

晚泊牛渚

蘆葦晚風起秋江鱗甲生  
殘霞忽改色遠鴈有  
餘聲戍鼓音響絕漁家燈火明  
無人能詠史獨  
自月中行

罷郡歸洛陽間居

十年江外守旦夕有歸心  
及此西還日空成東  
武吟花間數盞酒月下  
一張琴聞談功名事依  
前惜寸陰

城東間遊

借問池臺主多居要路津  
千金買絕境永日屬

間人竹徑縈紆入花林委曲循斜陽衆客散空  
鏢一園春

罷郡歸洛陽寄友人

遠謫年猶少初歸鬢已衰門間故吏去室靜老  
僧期不見蜘蛛集頻爲僂句欺穎微囊未出寒  
甚谷難吹漭落唯心在平生有已知商歌夜深  
後聽者竟爲誰

陝州河亭陪韋五大夫雪後眺望因以留  
別與韋有布衣之舊經遷貶歸一別二紀  
雪霽齊大陽津城池表裏春河流添馬頰原色動

龍鱗萬里獨歸客一杯逢故人因高向西望關  
路正無塵

途中早發

中庭望啓明促促事晨征寒樹鳥初動霜橋人  
未行水流白煙起日上彩霞生隱士應高枕無  
由知姓名

初至長安

時自外郡  
再受郎官

左遷凡二紀重見帝城春老大歸朝客平安出  
嶺人每行經舊處却想似前身不改南山色其  
餘事事新

大和戊申歲大有年詔賜百寮出城觀秋  
稼謹書盛事以俟采詩者

長安銅雀鳴秋稼與雲平玉燭調寒暑金風報  
順成川原呈上瑞恩澤賜間行欲及重城掩猶  
聞歌吹聲

早秋集賢院即事

時爲學士

金數已三伏火星正西流樹含清露曉閣倚碧  
天秋夾琯應新律銅壺添夜籌商飈從朔塞爽  
氣入神洲蕙草香書殿槐花點御溝山明真色  
見水淨濁煙收早歲忝華省再來成白頭幸依

羣玉府有路嚮瀛州

金陵懷古

潮滿冶城渚日斜征虜亭  
蔡洲新草綠幕府舊  
煙青興廢由人事山川空地  
形後庭花一曲幽  
怨不堪聽

晝居池上亭獨吟

日午樹陰正獨吟池上亭  
靜看蜂教誨間想鶴  
儀形法酒調神氣清琴入  
性靈浩然機已息几  
杖復何銘

分司東都蒙襄陽李司徒相公書問因以

奉寄

早忝金馬客晚為商洛翁知名四海內多病一  
生中舉世往還盡何人心事同幾時登峴首恃  
舊揖三公

奉和吏部楊尚書太常李卿二相公策免  
後即事述懷贈荅十韻

文雅關西族衣冠趙北都有聲真漢相無類勝  
隨珠當軸龍為友臨池鳳不孤九天開內殿百  
辟看晨趨誠滿懲歌器成功別大鑪餘芳在公  
論積慶是神扶步武離台席徊翔集帝梧銓材

秉秦鏡典樂去齊竽蕭洒風塵外逢迎詩酒徒  
唯應待華皓更食萬錢廚

門下相公榮加冊命天下同歡忝沐眷私  
輒敢申賀

冊命出宸衷官儀自古崇特膺平土拜光贊格  
天功再佩扶楊印常乘鮑氏驄七賢遺老在猶  
得詠清風

病中一二禪客見問因以謝之

勞動諸賢者同來問病夫添鑪壽鷄舌灑水淨  
龍鬚身是芭蕉喻行須却竹扶醫王有妙藥能

劉夢得文集卷第三

乞一丸無

劉夢得文集卷第三

開化圖書  
Warkua Library

劉夢得文集卷第四

律詩

西塞山懷古

陽山廟觀賽神

漢壽城春望

後梁二帝碑

荆門道懷古

和竇貞外

早春對雪

早秋贈荅

荅徐貞外

贈端州紫石硯

觀董評事詩

松滋渡望峽中

題段侍御枕上

贈王學士

關下口号

監祠夕月壇書事

戲贈崔千牛

詔徵逐客

和嚴司空

見馮叔達

故洛城古牆

戲贈看花諸公

再遊立都觀

望夫山

金陵五題

謝寺雙檜

韓信廟

安國觀聞笙

洛中寺北樓見賀監草書

韓賓擢第歸觀

寄楊八壽州

重寄楊八

和宣上人

贈東岳張鍊師

和崔少監

寄楊虢州

題竇貞外新居

舉韓湖州自代

華州陪錢大夫

覩玄宗詩

懷上京故人

和尉遲郎中

誄福建陳判官

始聞秋風

和蘇十郎中

誄淮南廖參謀

題王郎中新居

誄朗州崔貞外

賀溫尚書

水亭避暑

述舊

誄吳端才

西塞山懷古

西晉樓船下益州金陵王氣漠然收千尋鐵鎖  
沈江底一片降幡出石頭人世幾回傷往事山  
形依舊枕寒流今逢四海爲家日故壘蕭蕭蘆  
荻秋

陽山廟觀賽神

梁松南征至此遂  
爲其神在朗州

漢家都尉舊征蠻血食如今配此山曲蓋幽深  
蒼檜下洞蕭愁絕翠屏間荆巫脉脉傳神語野  
老婆娑娑啓醉顏日落風生廟門外幾人連踏竹  
歌還

漢壽城春望

古荊州刺史治亭其下  
有子胥廟兼楚王故墳

漢壽城邊野草春  
荒祠古墓對荆榛  
田中牧豎燒芻狗  
陌上行人看石麟  
華表半空經霹靂  
碑文纔見滿埃塵  
不知何日東瀛變  
此地還成要路津

後梁宣明二帝碑堂下作

玉馬朝周從此辭  
園林寂寞對豐碑  
千行宰樹荆州道  
暮雨蕭蕭聞子規

荆門道懷古

南國山川舊帝畿  
宋臺梁館尚依稀  
馬嘶古樹行人歇  
麥秀空城澤雉飛  
風吹落葉填宮井  
火

入荒陵化寶衣徒使詞臣庾開府咸陽終日苦  
思歸

郎州竇貞外見示與澧州元郎中郡齋贈  
荅長句二篇因而繼和

鴛鴦菱池出建章綵旗朱戶鬱相望新恩共理  
犬牙地昨日同含鷄舌香白芷江邊外驛路山  
桃蹊外接甘棠應憐一罷金閨籍枉渚逢春十  
度傷

早春對雪奉寄澧州元郎中

新賜魚書墨未乾賢人暫屈遠人安朝驅旌旆

行時今夜見星辰憶舊官梅禁覆階鈴閣暖雪  
峯當戶戟枝寒寧知楚客思公子北望長吟澧  
有蘭

竇郎州見示與澧州元郎中早秋贈荅命

同作

鄰境諸侯同舍郎芷江蘭浦恨無梁秋風門外  
旌旗動曉露庭中橘柚香玉簟微涼宜白晝金  
箔入暮應清商騷人昨夜聞鶗鴂不歎流年惜  
衆芳

衢州徐負外使君遺以縞紵兼竹書箱因

成一篇用荅佳賦

按此郡本自婺州  
拆置徐自台州遷

爛柯山下舊仙郎  
列宿來添婺女光  
遠放歌聲分白紵  
知傳家學與青箱  
水潮滄海何時去  
蘭在幽林亦自芳  
聞道天台有遺愛  
人將琪樹比甘棠

唐秀才贈端州紫石硯以詩荅之

端州石硯人間重  
贈我應知正草玄  
闕里廟中空舊物  
門方竈下豈天然  
玉蟠吐水霞光靜  
綵翰搖風絳錦鮮  
此日慵工記名姓  
因君數到墨池前

覽董評事思歸之什因以詩贈

幾年油幕佐征東，却泛滄浪狎釣童。  
歌枕醉眠成戲蝶，抱琴閒望送歸鴻。  
文儒自襲膠西相，倚伏能齊塞上翁。  
更說扁舟動鄉思，青菰已熟柰秋風。

松滋渡望峽中

渡頭輕雨灑寒梅，雲際溶溶雪水來。  
夢渚草長迷楚望，夷陵土黑有秦灰。  
巴人淚應猿聲落，蜀客船從鳥道回。  
十二碧峯何處所，永安宮外是荒臺。

楊州春夜李端公益張侍御登段侍御平  
仲密縣李少府暢秘書張正字復元同會  
於水館對酒聯句追刻燭擊鉢故事遲輒  
舉觥以飲之逮夜艾羣公霑醉紛然就枕  
余偶獨醒因題詩於段君枕上以志其事  
寂寂獨看金燼落紛紛只見玉山頽自羞不是  
高陽侶一夜醒醒騎馬迴

逢王二十學士入翰林因以詩贈

時貞元二  
十年王以

藍田尉  
充學士

廐馬翩翩禁外逢星槎上漢杳難從定知欲報

淮南詔促召王褒入九重

闕下口号呈柳儀曹

綵仗神旗獵曉風  
鷄人一唱鼓蓬蓬  
銅壺漏水何時歇  
如此相催即老翁

監祠夕月壇書事

其禮用晝

西皞司分晝夜平  
羲和亭午太陰生  
鏗鏘揖讓秋風裏  
觀者如雲出鳳城

戲贈崔千牛

學道深山虛老人  
留名萬代不關身  
勸君多買長安酒  
南陌東城占取春

元和甲午歲詔書盡徵江湘逐客余自武  
陵赴京宿於都亭有懷續來諸君子

雲雨江湘起卧龍武陵樵客躡仙蹤十年楚水  
楓林下今夜初聞長樂鐘

江陵嚴司空見示與成都武相公唱和因  
命同作

南荆西蜀大行臺幕府旌門相對開名重三司  
平水土威雄八陣役風雷綵雲朝望青城起錦  
浪秋經白帝來不是郢中清唱發誰當丞相揆  
天才

徵還京師見舊曹官馮叔達

前者忿忿僕被行十年憔悴到京城南曹舊吏  
來相問何處淹留白髮生

故洛城古牆

粉落椒飛知幾春風吹雨灑旋成塵莫言一片  
危基在猶過無窮來往人

元和十年自朗州承召至京戲贈看花諸  
君子

紫陌紅塵拂面來無人  
不道看花迴  
玄都觀裏  
桃千樹盡是劉郎去後栽

再遊立都觀絕句 并引

余貞元二十一年爲屯田員外郎時此觀中未  
有花木是歲出牧連州尋貶朗州司馬居十年  
召至京師人人皆言有道士手植仙桃滿觀如  
爍晨霞遂有前篇以志一時之事旋左出牧于  
今十有四年得爲主客郎中重遊茲觀蕩然無  
復一樹唯兔葵鷺麥動搖於春風耳因再題二  
十八字以俟後遊時大和二年三月某日  
百畝中庭半是苔桃花淨盡菜花開種桃道士  
歸何處前度劉郎今獨來

望夫山

正對和  
州郡樓

終日望夫夫不歸化爲孤石苦相思望來已是  
幾千載只似當時初望時

金陵五題

并序

余少爲江南客而未遊秣陵嘗有遺恨後爲歷  
陽守跋而望之適有客以金陵五題相示道爾  
生思欬然有得他日友人白樂天掉頭苦吟歎  
賞良父且曰石頭詩云潮打空城寂寞迴吾知  
後之詩人不復措詞矣餘四詠雖不及此亦不  
孤樂天之言爾

石頭城

山圍故國周遭在，潮打空城寂寞回。  
淮水東邊舊時月，夜深還過女牆來。

烏衣巷

朱雀橋邊野草花，烏衣巷口夕陽斜。  
舊時王謝堂前燕，飛入尋常百姓家。

臺城

臺城六代競豪華，結綺臨春事最奢。  
萬戶千門成野草，只緣一曲後庭花。

生公講堂

生公說法鬼神聽  
身後空堂夜不扃  
高坐寂寥塵漠漠  
一方明月可中庭

江令宅

南朝詞臣北朝客  
歸來唯見秦淮碧  
池臺竹樹三畝餘  
至今人道江家宅

謝寺雙檜

揚州法雲寺謝鎮西宅古檜存焉

雙檜蒼然古貌竒  
含煙吐霧鬱參差  
晚依禪客當金殿  
初對將軍映畫旗  
龍象界中成寶蓋  
鴛瓦上出高枝  
長明燈是前朝焰  
曾照青青年少時

韓信廟

將略兵機命世雄  
蒼黃鍾室歎良弓  
遂令後代登壇者  
每一尋思怕立功

秋夜安國觀聞笙

織女分明銀漢秋  
桂枝梧葉共颼颼  
月落滿庭人寂寂  
霓裳一曲在高樓

洛中寺北樓見賀監草書題詩

高樓賀監昔曾登  
壁上神蹤龍虎騰  
中國書流讓皇象  
北朝文士重徐陵  
偶因獨見空驚目  
恨不同時便伏膺  
唯恐塵埃轉磨滅  
再三珍重囑

山僧

聞韓賓擢第歸覲以詩美之兼賀韓十五

曹長時韓牧永州

零陵香草滿郊坰丹穴鷦飛入翠屏孝若歸來  
呈畫讚孟陽別後有山銘蘭陔舊地花纔結桂  
樹新枝色尚青爲報儒林丈人道如今從放驥  
星星

寄楊八壽州

風獵紅旗入壽春滿城歌舞向朱輪八公山下  
清淮水千騎塵中白面人桂嶺雨餘多鶴迹茗

園晴望似龍鱗聖朝方用敢言者次第應須舊  
諫臣

李賈二大諫拜命後寄楊八壽州

諫省新登二直臣萬方驚喜捧絲綸則知天子  
明如日肯放淮陽高卧人

宣上人遠寄賀禮部王侍郎放榜後詩因  
而繼和

禮闈新榜動長安九陌人人走馬看一日聲名  
徧天下滿城桃李屬春官自吟白雪銓詞賦指  
示青雲借羽翰借問至公誰即可支郎天眼定

中觀

贈東岳張鍊師

東岳真人張鍊師，高情雅贍世間稀。堪爲烈女  
書青簡，又事元君住翠微。金縷機中拋錦字，玉  
清臺上著霓衣。雲衢不要吹簫伴，只擬乘鸞獨  
白飛。

秘書崔少監示墜馬長句因而和之

麟臺少監舊仙郎，洛水橋邊墜馬傷。塵汗腰閒  
青綬帶，風飄掌上紫遊韁。上車著作應來問，折  
臂三公定送方。猶賴德全如醉者，不妨吟詠入

篇章

寄楊虢州

與之  
舊姻

避地江湖知幾春  
今來本郡擁朱輪  
阮郎無復里中舊  
楊僕却為關外人  
各繫一官難命駕  
每懷前好易霑巾  
玉城山裏多靈藥  
擺落功名且養神

秋日題竇貞外崇德里新居

竇時判  
度支案

長愛街西風景間  
到君居處暫開顏  
清光門外一渠水  
秋色牆頭數點山  
踈種碧松通月朗  
多栽紅藥待春還  
莫言堆案無餘地  
認得詩人在

此聞

蒙恩轉儀曹郎依前充集賢學士舉韓湖  
州自代因寄七言

翔鸞闕下謝恩初通籍由來在石渠暫入南宮  
判祥瑞還歸內殿閱圖書故人猶在三江水同  
病凡經二紀餘今日薦君嗟久滯不唯文體似  
相如

途次華州陪錢大夫登城北樓春望因覩  
李崔令狐三相國唱和之什翰林舊侶繼  
踵華城山水清高鸞鳳翔集皆忝夙眷遂

題是詩

城樓四望出風塵見盡關西渭北春百二山河  
雄上國一雙旌旆委名臣壁中今日題詩處天  
上同時草詔人莫怪毛郎呈濫吹官途離別舊  
情親

三鄉驛樓伏覩玄宗望女几山詩小臣斐  
然有感

開元天子萬事足唯惜當時光景促三鄉陌上  
望仙山歸作霓裳羽衣曲僊心從此在瑤池三  
清八景相追隨天上忽乘白雲去世間空有秋

風辭

洛下初冬拜表有懷上京故人

鳳樓南面控三條  
拜表郎官早渡橋  
清洛曉光鋪碧簾  
上陽霜葉剪紅綃  
省門簪組初成列  
雲路鴛鴦想退朝  
寄謝慇懃九天侶  
槍榆水擊各逍遙

尉遲郎中見示自南遷牽復却至洛城東  
舊居之作因以和之

曾遭飛語十年謫  
新受恩光萬里還  
朝服不妨遊洛浦  
郊園依舊看嵩山  
竹含天籟清商樂  
水

遶庭臺碧玉環留作功成退身地如今只是暫  
時間

洛中酬福建陳判官見贈

潦倒聲名擁腫材一生多故苦遭迴南宮舊籍  
遙相管東洛間門晝未開靜對道流論藥石偶  
逢詞客與瓊瑰怪君近日文鋒利新向延平看  
劍來

始聞秋風

昔看黃菊與君別今聽玄蟬我却迴五夜颼颼  
枕前覺一年顏狀鏡中來馬思邊草拳毛動鵬

盼青雲睡眼開天地肅清堪四望為君扶病上

高臺

和蘇十郎中謝病閒居時嚴常侍蕭給事  
同訪歎初有二毛之作

清羸隱几望雲空左掖鴛鴦到室中一卷素書  
鋪永日數莖斑鬢對秋風菱花照後容雖改蒼  
草占來命已通莫怪人人驚早白綠君合是黑

頭公

謝淮南廖參謀秋夕見過之作

公昔為揚州從事參謀從釋子反初

揚州從事夜相尋無限新詩月下吟初服已驚

玄髮長高情猶向碧雲深語餘時舉一杯酒坐  
父方聞數處砧不逐繁華訪間散知君擺落俗  
人心

題王郎中宣義里新居

愛君新買街西宅客到如遊鄠杜間雨後退朝  
貪種樹申時出省趁看山門前巷陌三條近牆  
內池亭萬境間見擬移居作鄰里不論時節請  
開關

誦郎州崔負外與任十四兄侍御同過鄙  
人舊居見懷之什時守吳郡

昔日居鄰招屈亭  
楓林橘樹鷓鴣聲  
一辭御苑青門去  
十見壘江白芷生  
自此曾霑宣室召  
如今又守闔閭城  
何人萬里能相憶  
同舍仙郎與外兄

任侍御子外兄崔  
負外南宮同官

美温尚書鎮定興元以詩寄賀

旌旗入境犬無聲  
戮盡鯨鯢漢水清  
從此世人開耳目  
始知名將出書生

劉駙馬水亭避暑

千竿竹翠數蓮紅  
水閣虛涼玉簟空  
琥珀盞烘疑漏酒  
水精簾瑩更通風  
賜冰滿碗沈朱實  
法

饌盈盤覆碧籠盡日逍遙避煩暑再三珍重主人翁

述舊賀遷寄陝號孫常侍

南宮左輔  
兩處交代

南宮幸襲芝蘭後左輔曾交印綬來多病未離  
清洛苑新恩已歷望仙臺關頭古塞桃林靜城  
下長河竹箭迴聞道隨車有零雨此時偏動子  
荆才

訓端才吳大夫夜泊湘川見寄一絕

夜泊湘川逐客心月明猿苦血霑襟湘妃舊竹  
痕猶淺從此因君染更深

劉夢得文集卷第四

開化圖書館  
Karkhua library

開化圖書館

Wahua library

開化圖書館

十六

開化圖書館

Kaichua library

開化圖書館

Kaichua library



開化圖書館

Wakana Library

開化圖書館

Kaishwa Library

Blue

Cyan

Green

Yellow

Red

Magenta

White

3/Color

© The Tiffen Company, 2007

TIFFEN Color Control Patches



Centimetres



Inches

劉夢得文集

開化圖書館  
Kahua Library

一





**TIFFEN** Color Control Patches

© The Tiffen Company, 2007

Blue      Cyan      Green      Yellow      Red      Magenta      White      3/Color